

ikajuttigedluta sanginikatsiavugut.

Labradorimi Inuit Nunamik Satusaijet Satusasimajangita Piusingita Nalunaikkutangit

- 1977 Labradorimi Inuit katutjiKatigenninga (LIA) uKautiKavut namminiugiamik kavamanganut Canadaup (Canada), atilimmik *"UKautaujuut Namminiugiamut Pivitsaujunik Nunami Imânilu-Sikumi Taggâni Labradorimi"*.
- 1978 Canada angivuk Labradorimi Inuit nunamik satusaigiamik.
- 1980 kavamanga Newfoundland Labradoriullu (Newfoundland Labradorilu), KaikKujimmata Canada, angisimajut ilauKataugiamik satusainitsanginnut Labradorimi Inuit nunamik.
- 1984 Canada angnigusuvuk Labradorimi Inuit nunamik satusaigiamut pivallianitsanginnik satusainikkut.
- 1990 Tungavitsak AngiKatigegutik titigattaavuk katimautitsanut, piusitsait ammalu ullusangit nunamik satusaigiamut Pijagellagingitumik AngiKatigegutimmik (AIP) satusaigiamut atitâttauvuk Novemberami.
- 1992 Sagvatausimajunik Nunamik kamajet Canadami, LIA ammalu Newfoundland Labradoriullu kavamanga uKavuk ikajuttigellutik Kaujisagiamik atuttaugajattunik sagvatausimajuni nunani Torngait KakKasuanginni taggâni Labradoriup.
- 1996 Pijagedlutik Kaujisanningit Kaujitsiutik sagvatausimajuit nunait Torngait KakKasuanginni atuttaugajanninginnik.
- 1996 AngajukKâk Inuligijinni Canadami ammalu Taggâni Pivalliajuligijinga, AngajukKâsuak Newfoundland Labradorimilu ammalu AngajukKânga LIA angiKatigevut Juli-mi 'sukkajumik satusaigiamut' nunamik satusaillutik.

- 1999 AIP atitâttavuk angajukKânut satusaijinut ammalu uKautjigiadlutik nigijut katimajet Kângiutittisilânninginnik Maimi.
- 1999 LIA ilaliugutilingit Kângiutittisivut AIP-mik Julimi.
- 2000 Pingasuilingajuit nunalinni tungavet nunanik angnigusuvut satusattaugatsanik pigiasillutik Aprilimi.
- 2000 LIA ammalu Newfoundland Labradorilu atitâgivot TukisimaKatigegutimik Ilingajunik Kinuagijaujunut Torngait KakKasuanginni Sagvatausimajuni Nunani Junemi.
- 2001 Nunait angnigijauvut satusattaugatsautillugit pijagedlutik Merzimi.
- 2001 LIA, Newfoundland Labradorilu, ammalu Canada atitâgivot AIP-mik June 25-mi.
- 2001 Satusainet pigiasivut akungani Sagvatausimajunik Nunanik kamajet Canadami ammalu LIA-kut, Sagvatausimajunik Canadami ammalu Newfoundland Labradorilu, angiKatigegiamik sakKititaujunik Sagvatausimajunik Nunanik.
- 2001 LIA, Newfoundland Labradorilu, Canada atitâgivot Piusiugumajunik AngiKatigennimi paitsigiamut Inuit pivitsanginnik ikajuttaugutitsanginnik AIP-mi November 16-mi.
- 2002 Labradorimi Inuit kajusittisivut Labradorimi Inuit PikKujatsasuanganik April 15-mi.
- 2002 LIA, Newfoundland Labradorilu ammalu Canada atitâgivot Tasiujatsuami Piusitsanik AngiKatigennikut; LIA atitâgivot Inuit AttutauniKappata Ikajuttaugutitsangita AngiKatigegutinganik Tasiujatsuami Ujaganniatet kampaninganut ammalu Inco-kunut; LIA, Newfoundland Labradorilu, Canada ammalu Labradorimi Innu Nation atitâgivot Tasiujatsuami Avatingit kamagijaukKulugit AngiKatigegutimmi Julimi.
- 2003 Satusaijigit LIA-kut, Newfoundland Labradoriullu ammalu Canada atitâgivot Labradorimi Inuit Nunamik Satusaijet AngiKatigegutinganik (AngiKatigegutik) Augos 29-mi.
- 2003 Labradorimi Inuit Sagvatausimajuni AttutauniKappata Ikajotitsangita AngiKatigegutinga akungani Sagvatausimajunik kamajet Canadami

ammalu LIA, ilitagijaukkulugit ilauKatigennikut pitjutigillugit Sagvatausimajuit Nunait, pijagedlutik Novemberami.

2004 Labradoriimi Inuit Kângiutittisivut AngiKatigegutimmik ikajutsitillugit 76.4 per centingit ilaugunnatuit angnigusunnimi 86 per cent sakKitillugit Mai 26-mi.

2004 *Labradorimi Inuit Nunamik Satusaijet AngiKatigegutingata Maligatsanga*, atuttautitsiligunnatuk AngiKatigegutimmik kajusittitauvuk ammalu Ullusiuttaudluni Newfoundland ammalu Labradoriip kavamangata Illusuangani December 6-mi.

2004 Tukisimautigiamut AngiKatigegutik Sagvatausimajuni Nunani Torngait KakKasuanginni akungani Nunanik Sagvatausimajunik kamajet Canadami ammalu Newfoundland Labradorimilu pijagevut Decemberami, maligatsaliudlutik piusitsanillu nunait atuttaunitsanginni Sagvatausimajuni Nunani tunijauniattilugu Canadamut.

2005 Canada ammalu Newfoundland Labradorilu atitâgivot Nunait Tunijaunitsangita AngiKatigegutinganut; Canada ammalu LIA atitâgivot Labradorimi Inuit Sagvataumajuit Nunait Attutaunitsangita Ikajuttaugutitsangita AngiKatigegutinganik; LIA, Newfoundland Labradorilu ammalu Canada atitâgivot AngiKatigegutimik Januar 21-mi.

ÂKIGIATTAUSOT Januar 12, 2005